



Broj: 02-04-2-3324/21
Goražde, 27.09.2021. godine

Na osnovu člana 15. stav 1. Zakona o mladima Federacije BiH (Službene novine FBiH, broj:36/10) i člana 4., 5, 6 i 7. Pravilnika o vođenju spiska omladinskih udruženja na području općine Goražde, broj: 02-02-5291/13 od 18.12.2013. godine, Gradonačelnik, **o b j a v l j u j e**:

JAVNI POZIV
omladinskim udruženjima za upis u spisak omladinskih udruženja grada Goražde

I

Pozivaju se omladinska udruženja koja imaju sjedište ili registrovan ured na području grada Goražde da izvrše upis u spisak omladinskih udruženja grada Goražde.

II

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registruje, djeluje i prestaje postojati u skladu sa zakonom na osnovu kojeg je registrovano.

Međunarodna udruženja ne mogu dobiti status omladinskog udruženja ako nisu registrovana i u Bosni i Hercegovini.

III

Omladinska udruženja koja žele predlagati projekte za mlade ili biti član Vijeća mladih grada Goražde dužna su se upisati u spisak omladinskih udruženja Grada.

IV

Zahtjev za upis u spisak podnosi se Službi za društvene djelatnosti, opću upravu i zajedničke poslove, nakon upisa udruženja u registar koji vodi nadležno Ministarstvo za pravosuđe, upravu i radne odnose.

Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.

Zahtjev se, prema vrsti podataka koji se nose, sastoji od tri dijela, i to:

- a) podaci o omladinskom udruženju,
- b) podaci o licu ovlaštenom za zastupanje i predstavljanje,
- c) podaci o upravnom odboru i skupštini.

Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Uz zahtjev za upis u spisak omladinskog udruženja prilažu se:

- rješenje o registraciji
- osnivački akt
- statut

Prilozi se podnose u originalu ili ovjerenoj fotokopiji.

V

Obrazac broj 1. se popunjava na računaru na jednom od tri službena jezika koja su u upotrebi u Bosni i Hercegovini i može se neposredno downloadovati na oficijelnoj web stranici Grada Goražde (www.gorazde.ba), na kojoj se može vidjeti i Pravilnik o vođenju registra omladinskih udruženja na području grada Goražda.

Zahtjev i propisana dokumentacija dostavljaju se Gradu Goražde putem pošte ili lično tokom radnih dana (ponedjeljak – petak), u periodu od 08:00 do 16:00 sati u Šalter sali Gradske uprave Goražde, šalter br.1.

VI

Ovaj Javni poziv se objavljuje na oglasnoj ploči organa uprave Grada Goražde i na web-stranici Grada i ostaje otvoren 30 dana od dana objavljivanja.



GRADONAČELNIK

Ernest Imamović

